

Sámenuoraid resolušuvdna

Dát lea resolušuvdna sámenuoraid konferánssas, mii dollojuvvui Anáris 14.–15.8.2025. Konferánssa temán lei árbediehtu. Resolušuvdna lea ráhkaduvvon konferánssa bargobáji vuodul.

Suopmelaš oahppaplána sisdoallu sámi kultuvrras, gielas ja historjjás lea ovttačilggolaččat váilevaš. Vástádusat jearaldagaide, dego “manin buot sápmelaččat eai máhte sámegiela?” dahje “manin muhtin sogain lea boatkanan juoiganárbevierru?”, eai gávdno dáláš oahppaplána oahppamateriálain. Sámenuorat ánsšášit ja dárbbášit historjjá oahpahusa sámi geahččanguovllus vugiin, mii guodđá stáhtaid rájiid duogábeallái ja gieđahallá sápmelaččaid álbmogin ja iežaset historjjálaš narratiivva váldofiguvaran. Dákko bokte giellaoahpahusa galgá viiddidit ja dan ruhtadeami galgá lasihit, daningo dáláš oahppamateriálat eai leat áiggi dásis eaige dat leat doarvái. Min gielat leat čoavdda oktiigullelašvuhtii oassin viiddit sámi servodaga Suoma rájiid olggobealde Sámis.

Mii sámenuorat háliidit ja leat beroštuvvan oahppat sámegiela ja sirdit dan čuovvovaš sohka buolvvaide ja doalahit árbedieđu. Ná sáme kultuvra seailu ealli kultuvran. Árbediehtu ii leat juoga maid mii geahččat olggobealde, dat gullá midjiide sámiide ja lea lunddolaš oassi mis.

Dorvvastan dihte árbedieđu sirdašuvvama sohka buolvvas nubbái, ferte čujuhit návccaid maid skuvlejupmái. Árbediehtu ii goittotge sirdašuva dušše luohkkálanjas sohka buolvvas nubbái, muhto árbevirolaččat maid ruovttus. Mii nuorat bivdit, ahte boarrásit sohka buolvvat, geain lea árbediehtu, hilgot baluideaset iežaset diehtodási ja máhtu váilliin ja juogadit árbedieđuideaset minguin.

ON: id eamiálbmogiid vuoigatvuodaid julggaštusa 31 artihkkala mielde Suoma stáhtas lea geatnegasvuohta bargat sámedikkiin dorvvastan dihte dáid vuoigatvuodaid. Suoma stáhtas lea maid Sámediggelága 2 § mielde geatnegasvuohta várret doarvái stuorra mearreruđa lágas oaivvilduvvon bargguide, mii oaivvilda Sámedikki doaimmaid. Vai Sámediggi sáhtá lihkostuvvat bargguinis, mearreruđaid galgá lasihit.

Dego sámenuoraid ovddit konferánssa resolušuvdna dadjá “ Mis lea riekti boahtteáigái ja dat galgá leat min lágan”.

Mii bivdit, ahte sámenuoraide lágíduvvojit jeavddalaš “arenat” čoahkkanit ja nanosmahttit searvvušlašvuoda.

Sámedikki mearreruhta lasihuvvo.

Gielaid oahpahusas dáhkiduvvojit doarvái stuorra mearreruđat ođđaseamos oahppamateriálaide. Dákko bokte sápmelaš ja suopmelaš nuoraide dáhkiduvvo oahpahus sámi historjjás, vai ipmárdus Sámi guhkes historjjás ii báze dušše sápmelaččaide.

Giitosat – Takkâ - Spä´sseb Kiitokset

Sámedikki nuoraidráđđi lágida guovtti jagi gaskkaid sámenuoraid konferánssa. Sámenuoraid konferánssa sáhtá addit iežas namain resolušuvnnaid, evttohusaid ja álgagiid, mat láktásit sámenuoraid eallindiliide ja buresveadjimii.